

Powšitkowne WOZJEWJENJA

njedźelu, 20. januara 2013

Hłowna a wólbna zhromadźizna TCM

Lětuša hłowna zhromadźizna Towarstwa Cyrila a Metoda z.t. (TCM) budže na swjedženju jeho patronow, štwórtk, 14. februara, w Pančicach-Kukowje. Wona zahaji so z Božej mšu w klóšterskej cyrkwi a pokročuje so we wosadnicy. Na njej wuzwoli so nowe předsydstwo.

Swjedzeń swjateho Bosćana w Chróscicach

Předsydstwo bratstwa swjateho Bosćana přeprašuje wšitkich na swjedzeń swjateho Bosćana tutu njedźelu, 20. januara, do Chróscic. Swjedženski nyšpor z procesionom po wsy je w 14 hodź. Po nyšporje změja člonoj bratstwa na farje swoju hłownu zhromadźiznu, na kotrejž porěči Torsten Hartung wo swojim puću nakazanja.

Dny z wnučkami

Džedoj a wowki ze swojimi wnučkami su na zhromadne dny wot póndźele do pjatka, 11. do 15. februara, do Domu biskopa Bena w Smochćicach přeprašeni. Přizjewić měli so pod telefonowym čisłom (03 59 35)2 20. Při tym zhonja tež nadrobnošće.

Pytaja sobudžělačerku

Za Dom swjateho Jurja w Kamjencu pytamy sobudžělačerku, kotraž so wo dementnych wobydlerjow stara. Požadać smědža so rady tež njewukubłane wosoby. Zajimcy njech so prošu pisomnje přizjewja na Caritasheim St. Georg, Bernhardweg 2, 01917 Kamenz abo na info@st-georg-kamenz.de.

Wendelin Brězan, nawoda

Maćična akademija

Dr. Annett Brězanec, wědomostnica w Serbskim instituće w Budyšinje, přednošuje štwórtk, 31. januara, w 19.30 hodź. w Budyskim hosćencu „Wjelbik“, Žitna 7, na temu „Wizone – słyšane – myslone“. Wo dženikach Bogumiła Šwjele wot lěta 1902 do lěta 1945“. Wšitcy su wutrobnje přeprašeni.

Zhromadne posćenje

Sonja Hrjehorjowa poskičuje tež lětsa w Sulšecach zhromadne dny posćenja. Prěni kurs – přewažnje němsce – započnje so wutoru, 26. februara, a skónči so póndźelu, 4. měrca, z łamanjom posćenja. Druhi kurs – přewažnje serbsce – budže wot srjedy, 6. měrca, hač do wutory, 12. měrca. Naprašowanja a přizjewjenja su móžne hač do srjedy, 20. februara, pola Sonje Hrjehorjoweje, Sulšecy 42, 02997 Kulow, telefonowe čisło (03 57 25) 7 05 60.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so bórže přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.